

PPIB UMS anjur Hari Haiwan Sedunia 2019

UB 28.9.2019 6

KOTA KINABALU: Pusat Penataran Ilmu dan Bahasa (PPIB), Universiti Malaysia Sabah (UMS) dengan kerjasama Kelab Kebajikan dan Rekreasi (KARIB) bakal mengadakan Hari Haiwan Sedunia yang bertemakan 'Making a better future for animal' selama dua hari bermula 3 Oktober di Auditorium Perpustakaan UMS.

Program tahunan PPIB UMS ini adalah inisiatif pendedahan tentang kewujudan Pelan Tindakan Kebajikan Haiwan 2015 sekaligus meningkatkan tahap kesedaran yang tinggi dalam kalangan masyarakat akan pentingnya kepekaan terhadap haiwan.

Beberapa aktiviti yang dijalankan sepanjang dua hari termasuk pameran gerai-gerai, bicara santai khas 'Hari Haiwan Sedunia 2019', kempen derma darah, pertandingan mewarna dan bercerita

bagi kanak-kanak.

Anna Lynn Abu Bakar selaku pengarah program menjelaskan tentang penglibatan agensi kerajaan dan bukan kerajaan dalam melestarikan pemeliharaan dan pemuliharaan haiwan disokong penuh sebagai tindakan menyokong hak asasi dan kebajikan haiwan.

"Di samping itu, program ini juga bertujuan memelihara kedudukan haiwan di mata masyarakat di samping mempertingkatkan platform kebajikan khusus untuk haiwan secara global khususnya di Sabah," katanya.

Orang ramai dijemput hadir untuk memeriahkan program dan untuk mengikuti perkembangan semasa berkaitan program yang dijalankan di PPIB UMS boleh mengikuti laman facebook : Pusat Penataran Ilmu Dan Bahasa.